

**Pendidikan & Latihan**

Latih guru berijazah

■ Program PPG di AeU tingkat pendidikan guru daripada sijil, diploma ke bachelors

Oleh Rosyhaida Abdullah
rosyhaida@mediapri-
ma.com.my

Bagi memastikan guru dalam kalangan bukan siswazah mendapat peluang peningkatan kerjaya yang sama seperti guru siswazah, Bahagian Pendidikan Guru Kementerian Pelajaran dan Pengajian Tinggi Malaysia mengambil inisiatif mewujudkan Program Pensiwazahan Guru (PPG) dengan matlamat meningkatkan tahap pendidikan guru daripada sijil dan diploma kepada Ijazah Sarjana Muda.

Program yang mula dire-

lisisan pada 2011 menyaksikan kumpulan pertama seramai 93 guru memilih untuk menyambung pengajian di Asia e University (AeU) dan memulakan pengajian pada Mac tahun sa- ma.

Selepas tiga sesi pengambilan, AeU kini melatih hampir 2,000 guru dan kumpulan pertama dijangka menamatkan pengajian pada Ogos tahun depan.

Sebagai universiti yang membawa aspirasi Pendidikan Diperbadikan, AeU me-naplikasikan mod Pembela-

lajaran Teradun yang merupakan kaedah pembelajaran melalui tiga cara iaitu pembelajaran kendiri, pembelajaran langsung dalam talian dan pengajian bersemuka.

Menurut Dekan Sekolah Pendidikan dan Sains Kognitif AeU Prof Dr John Arul Philips, peningkatan jumlah guru yang memilih untuk belajar di AeU membuktikan fleksibiliti sesi pembelajaran yang ditawarkan universiti itu serta kemahiran praktikal seperti dikehendaki setiap guru.

FAKTA
AeU setakat ini sudah melatih hampir 2,000 guru

"Guru yang sedang berkhidmat ini tidak perlu mengambil cuti untuk menyambung pengajian kerana kuliah diadakan dua kali sebulan pada hujung minggu," katanya.

Beliau berkata, bahan pembelajaran juga boleh dimuat naik lebih awal dan diakses pada bila-bila masa mengikut kesesuaian guru melalui laman web khas dinamakan Ruang Pembelajaran Peribadi (PLS).

Melalui PLS, guru boleh mengadakan perbincangan sesama mereka mahupun bersama fasilitator akademik secara dalam talian.

Guru juga diberi ruang mengajukan kemosyikilan melalui pertemuan secara bersemuka dengan fasilitator akademik yang diadakan selama 10 jam sepanjang se-



SEBAHAGIAN guru yang mengikuti pengajian di AeU.

mester pengajian.

Keberkesanan Kaedah Pembelajaran Teradun diakui sendiri Alvin Chee Che Wei, 35, yang juga guru Bahasa Inggeris dan Matematik di Sekolah Jenis Kebangsaan Cina Yuk Chih, Bestari Jaya, Selangor.

Chee berkata, kaedah pengajian teradun menepati kehendak guru kerana ia fleksibel dan praktikal.

Kaedah Pengajian Teradun memberi ruang yang

cukup untuk guru seperti saya bersedia sebelum memasuki kelas atau menghadapi peperiksaan.

"Ilmu ini benar-benar dihujung jari anda dan fasilitator bertauliah yang ada melengkapkan sesi pembelajaran kami," katanya yang sudah 13 tahun bergelar guru.

Untuk maklumat lanjut berkenaan AeU, lawati www.aeu.edu.my atau hubungi talian bebas tol 1-300-300-238.